



Broj: 04-GV-04-1492/21
Sarajevo, 19.11.2021. godine

*ZAPISNIK O RADU
ČETVRTE SJEDNICE KOMISIJE ZA DRUGOSTEPENO
UPRAVNO RJEŠAVANJE
održane 19.11.2021. godine*

Prisutni:

1. Kenan Mamić, predsjedavajući
2. Tarik Kapur, zamjenik predsjedavajućeg
3. Zlatan Ljuhar, član
4. Damir Beglerović, član
5. Maid Delić, član
6. Sanela Halać, članica
7. Željko Vukša Fejzić, član

Sjednici iz Stručne službe Gradskog vijeće Grada Sarajeva prisustvuje:

- Zinaida Beširević, šef Odjeljenja za stručne poslove

Predsjedavajući Komisije je u 09.08 sati otvorio sjednicu, pozdravio prisutne, utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu Treće sjednice Komisije za drugostepeno upravno rješavanje održane 13.12.2021. godine.

Na prijedlog predsjedavajućeg, jednoglasno je usvojen sljedeći **dnevni red**:

1. Javna rasprava o Nacrtu Programa rada Gradskog vijeća Grada Sarajeva za 2022. godinu
2. Tekuća pitanja (Odgovor na inicijativu Komisije)

TAČKA 1.

Javna rasprava o Nacrtu Programa rada Gradskog vijeća Grada Sarajeva za 2022. godinu

Uvodno izlaganje podnijela je Zinaida Beširević, šef Odjeljenja za stručne poslove.

U raspravi o Nacrtu Programa rada Gradskog vijeća Grada Sarajeva su učestvovali svi članovi Komisije.

Željko Vukša Fejzić, član Komisije je pristupio radu Komisije u 9.20 sati.

Poslije uvodnog izlaganja i rasprave, te sažetka Predsjedavajućeg, Komisija za drugostepeno upravno rješavanje je jednoglasno usvojila sljedeće **zaključke**:

1. Komisija za drugostepeno upravno rješavanje razmotrila Nacrt Programa rada Gradskog vijeća Grada Sarajeva za 2022. godinu, te predlaže da se u Oblasti XI – Lokalni turizam u tački 1. Prijedlog Odluke o pokretanju za osnivanje Turističke zajednice Grada Sarajeva dodatno pojasne razlozi, potrebe, način i svrha donošenja odnosno, predlaganja Odluke o pokretanju postupka za osnivanje Turističke zajednice Grada Sarajeva, imajući u vidu da već postoji osnovana Turistička zajednica Kantona Sarajevo.



2. Komisija za drugostepeno upravno rješavanje upućuje pitanje Kolegiju Gradskog vijeća kao predlagaču Programa i Odboru za lokalni biznis i turizam, na čiji prijedlog je Tačka 1. Odluka o pokretanju za osnivanje Turističke zajednice Grada Sarajeva uvrštena, da li se svrha formiranja Turističke zajednice Grada Sarajeva može postići poboljšanjem poslovno-tehničke saradnje između Grada Sarajeva i Turističke zajednice Kantona Sarajevo.
3. Komisija za drugostepeno upravno rješavanje predlaže da se u Oblasti IV – Urbano planiranje i upotreba lokalnog zemljišta, brišu tačke: 14. Elaborat o izradi slobodnostojećih reklamnih panoa i slobodnostojećih displeja na javnim površinama, 15. Elaborat – Lokacije za postavljanje kioska i 16. Elaborat – Lokacije za slobodnostojeće otvorene bašte, a budući da nisu obrazložene u skladu sa Poslovníkom Gradskog vijeća Grada Sarajeva, pa nije jasno trebaju li tretirati sve javne površine ili samo javne površine kojima upravlja Grad Sarajevo (uz otvorene uređene vodotoke). Komisija smatra da Grad Sarajevo nema potrebe da izrađuje nove elaborate za javne površine koje koristi obuhvaćene predloženim elaboratima iz tački 14, 15. i 16. Oblasti - IV Urbano planiranje i upotreba lokalnog zemljišta, obzirom da su iste već uređene elaboratom kod Zavoda za planiranje razvoja Kantona Sarajevo, te da se iste na inicijativu Grada Sarajeva mogu u istom elaboratu i izmijeniti, bez potrebe za izradom novih elaborata, što bi iziskivalo dodatno vrijeme i sredstva.

Sanela Halać, članica Komisije je napustila rad sjednice zbor ranije preuzetih obaveza u 9.40 sati.

Komisija za drugostepeno upravno rješavanje je jednoglasno, sa šest glasova „za“ usvojila sljedeći **zaključak**:

Komisija za drugostepeno upravno rješenje traži detaljnije pojašnjenje u Oblasti XVII - Druga pitanja od interesa za građane grada Sarajeva, tačke 8. i 10. Nacrta i Prijedlog Odluke o usvajanju Akcionog plana rodne ravnopravnosti Grada Sarajeva, obzirom da postoje pozitivni pravni propisi doneseni od viših instanci kojih su se svi dužni pridržavati, te pojašnjenje u kojem smjeru i na koji način se može unaprijediti navedenim prijedlogom rodna ravnopravnost u Gradu Sarajevu.

TAČKA 2.

Tekuća pitanja

(Odgovor na inicijativu Komisije)

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Kenan Mamić, s.r.

Predsjedavajući Komisije je u 09.45 sati zaključio rad Četvrte sjednice Komisije za drugostepeno upravno rješavanje Gradskog vijeća Grada Sarajeva.